



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

« 19 » սեպտեմբերի 2022 թ.

ՀԱՐԿ ՎՃԱՐՈՂԻ ԴՐԱՄԱՐԿՂԱՅԻՆ ԳՐՔԻ ՈՒՍՈՒՄՆԱՍԻՐՈՒԹՅԱՆ, ԿԱՆԽԻԿ ԴՐԱՄԱԿԱՆ ՄԻՋՈՑՆԵՐԻ ԳՈՒՅՔԱԳՐՄԱՆ ԵՎ Ի ՊԱՀ ՀԱՆՁՆՄԱՆ ՄԱՍԻՆ

Ա/Ձ ԱՆԱՆԻԿ ՆԱԶԱՐՅԱՆԻՆ
ՀԱՍՑԵ՝ ԼՈՌԻ, ԳԵՂԱՍԱՐ 3 Փ. 2 ՓԿՂ. 4,
ՀՎՀՀ՝ 66961821

Հարգելի պարոն Նազարյան

ՀՀ պետական եկամուտների կոմիտեի նախագահի 17.08.2022 թ-ի թիվ ԱՀ 89300 հանձնարարագրի հիման վրա 18.08.2022 թ-ին կայացված թիվ 89300 որոշման համաձայն 2.697.162 դրամ գումարի չափով արգելանք է կիրառվել Ա/Ձ Անանիկ Նազարյանին պատկանող բանկային հաշիվներում առկա դրամական միջոցների վրա: 19.09.2022թ-ին կայացված թիվ 89300/1 որոշմամբ արգելանք է կիրառվել դրամարկղում առկա կանխիկ դրամական միջոցների վրա: ՀՀ հարկային օրենսգրքի 434-րդ հոդվածի 2-րդ մասով սահմանված՝ հարկային մարմնի պաշտոնատար անձի հայեցողական լիազորության իրացման՝ հարկ վճարողի դրամարկղում առկա կանխիկ դրամական միջոցների գույքագրման և ի պահ հանձնման, ինչպես նաև մուտքագրված և ելքագրված դրամական միջոցների շարժի ուսումնասիրության նպատակով առաջարկվում է սույն գրությունը ստանալուց հետո եռօրյա ժամկետում դրամարկղային գրքով /առկայության դեպքում/ ներկայանալ ՀՀ ՊԵԿ իրավաբանական վարչություն /ք. Երևան, Սասունցի-Դավիթ 87ա հասցե, թիվ 403 աշխատասենյակ /իսկ եթե Գրությունը ստանալու օրվան հաջորդող 3-րդ օրը համընկնում է ոչ աշխատանքային օրվա հետ, ապա ներկայանալ հաջորդող առաջին աշխատանքային օրը:

Տեղեկացնում եմ, որ համաձայն ՀՀ հարկային օրենսգրքի 431-րդ հոդվածի 12-րդ մասի՝ հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու դեպքում արգելանք դնող պաշտոնատար անձը «Վարչական իրավախախտումների վերաբերյալ» Հայաստանի Հանրապետության օրենսգրքով սահմանված կարգով արձանագրում է խոչընդոտման փաստը, խոչընդոտող հանգամանքները վերացնելու համար աջակցություն ստանալու նպատակով դիմում է իրավապահ մարմիններին և նրանց օժանդակությամբ շարունակում է գույքի նկատմամբ արգելանք դնելու գործողությունները:

Կից՝ 17.08.2022թ-ի թիվ ԱՀ 89300 հանձնարարագրի, դրա հիման վրա 18.08.2022 թ-ին կայացված թիվ 89300 որոշման և 19.09.2022թ-ին կայացված թիվ 89300/1 որոշման պատճենները:

ՀՀ ՊԵԿ իրավաբանական վարչության
հարկադիր գանձման և պարտավորությունների
կատարման ապահովման բաժնի
գլխավոր մասնագետ՝

Լամարա Նիկողոսյան

հեռ. 010309191 /ներքին 9137/